

章邱縣志

山水
禮俗

古蹟
職官
賦役
第二冊



章邱縣志卷之三

山水考

章邑山水有小江南之目如長白副嶽百脉名泉其尤著已而羣峯之尾泰岱衆流之會二清在邑境者未可一二數尋其脈絡究其源流是不可以弗詳作山水考

山

長城嶺 在縣治南百餘里南連泰安萊蕪界東至劈林尖山接淄川界西至天羅頂連歷城界林木鬱茂四時如春出榭繭木炭栗棗梁木椽杆香料

章邱縣志

卷三

山水考

一

等物俗名長林嶺上有古長城遺跡相傳齊所築以禦楚西接平陰東距大海康熙十一年萊蕪縣尹葉方恒招民聚居嶺上有新村碑記萊蕪土人又謂長春嶺舊有孟姜廟

按齊記云宣王乘山依嶺東至海西至于濟州千餘里以備楚張頡長城考云貞定王二十四年爲楚惠王之四十四年滅蔡滅杞其勢張矣而越勾踐死已三年其曾孫朱句不能正江淮以北楚東侵廣地至泗上始與齊隣時爲姜齊宣公之十一年田氏專政君臣猜懼築長城以

備楚事或然與此乃臆度之詞非有築長城確
証後漢志濟北國有長城至東海註不詳所始
顧氏考古錄但據楚人說項襄王長城之東收
一語謂長城項襄王前已有之而無從斷爲何
時築至其爲姜齊非田齊則確有可証長城自
周威烈王十六年始見於史外紀王命趙韓伐
齊入長城是時晉三家雖通王室未列爲侯其
距左氏傳終甫四十年且曰入非始築也由來
遠矣又按城池之說始于劉向說苑但其崩者
城耳未云長城後人乃謂築長城時有范郎妻
章邱縣志

卷三

山水考

二

孟姜送寒衣聞夫死一哭而長城爲之崩然此
亦秦長城而非齊長城琴操曰范杞梁妻嘆者
齊邑范梁殖妻之所作也此其所由誤與附記
於此

蓮華山 在縣治南八十里陟山四望如十萬芙蓉

直窮天際

澧峪 在蓮華山南峪有李開先浩賢禪師碑銘云
聖泉寺按濟出爲澧聖泉卽澧水也

天羅頂 在縣治西南百餘里來脉自歷城東南梯
子山經紅泉峪連陰棧二山峭壁競秀章邑西南

諸山無高於此者上有四界石南泰安東萊蕪東北章邱西南歷城也巨河發源於山東峪中

冶山 在縣治西南七十里來脉自天羅頂迤北唐時冶鐵於此

四門山 在縣治西南六十餘里四峯對峙下成十字路可通行故名

西龍洞 在縣治西南六十餘里山洞深邃入數里許有泉一自上滴下下有石盆盛之四時不竭遇旱取水禱雨輒應旁石壁有龍形隱隱可見通志誤載入章邱東龍洞下舊志均引酈注謂此為朗

章邱縣志 卷三 山水考 三 公谷朗公谷在歷邑東南三十里東佛峪之西此在章邱之西彩石莊西南兩不相涉

趙山 在縣治西南六十里四門山北山陽有房彦謙墓土人又名青龍山來脉自西南蜿蜒如龍因名

吳家山 在縣治西南六十里趙山之北而盡於歷城之嶮山已上為天羅頂地東北來一支

虎山 在縣治西南七十里積石巉巖類虎踞之狀

虎門山 在縣治西南七十里石崖中斷若門故名

燈山 在縣治西南六十餘里趙山之東中隔巨河

飛鵲鴉山 在縣治西南六十五里燈山之東南按

魏書東魏郡治歷城領縣九第七曰頓邱縣注云

有飛鳥峴此山距頓邱四五里或謂今古異名卽

古之飛鳥峴

已上爲石棚頂
池西北一支

石棚頂俗名石棚溝 在縣治正南九十餘里亦係

連界之山周十餘里南泰安西歷城東南萊蕪東

北二面皆章邱地縣南諸山皆自此發脉爪漏河

發源於此山東峪接連岱陰諸山崎嶇邃密崖多

洞穴常爲暴客所聚居

雙尖山 在縣治南七十里石棚頂之北山有兩峯

章邱縣志

卷三

山水考

四

陡插青雲如燈焰之狀

大冶河自
此山北來

馬頭山 在縣治西南五十里寨山西北雙峯連峙

狀如馬鞍關盧水出其東麓水經謂之馬耳山

肥鄉

巨里城自

山拖脉

寨山 在縣治南六十里雙尖山西北山多古柏通

志以胡山事跡注於此山下誤

鷄山 在縣治西南五十里相傳古有錦鷄鳴其上

羅者得之乃一石子潔白如玉因名山陰里許石

峯壁立有起鳳樓鳳凰窩石逢雨輒露鷄形有雙

水泉亦爲關盧之源

已上係雙尖山
池西北出脉

青旗山 在縣治南五十里又名儒山

黃旗山 在縣治西南五十里隋置亭山縣於此山

之東又名亭山見舊志隋書又名龍舟山

危山 在縣治南四十里齊乘云在縣東北五里者

誤太平寰宇記云漢文帝十六年封齊悼惠王子

為齊孝王景帝三年孝王與吳楚謀自殺葬此山

巔俗呼為鐵墓頂

以上係雙尖山迤北發脉而盡於平陵城

黑牛嶺 在縣治西南五十里徐璧誌云在縣南百

餘里通志又以為即長城嶺均誤

丸口嶺 三峪嶺 茱萸山 在縣治南四十五里

章邱縣志

卷三

山水考

五

大冶埠村兩莊南

已上係雙尖山迤東北脉

黃巢頂 在縣治南九十里脉自石棚頂迤東來山

高而頂圓唐史中和四年黃巢東竄李師悅以鼓

門之師敗之巢曾駐此山因名

平頂山 在縣治南七十里黃巢頂西北亦名四門

山出鉛鑛處

郭家林山

在縣治南四十餘里

已上自黃巢頂迤西北拖脉

梧桐杆山 在縣治南九十里黃巢頂北平中突起

周圍十五里山產梧桐故名

胡山長白自此發脉

毛寨山 在縣治南七十里西田廣莊東北山陰多

產青苔似毛故名山極高大

火燒峪 在縣治南七十里中田廣莊東北

水壺峪 在縣治南六十餘里水簾洞莊東水出山洞中經年不涸深不可測

柴峪 在縣治南六十五里中田廣莊東草木茂盛取薪者多於此山因名

彎峪 在縣治南六十餘里張莊東南徑路曲折人迹罕到

王洞峪 在縣治南六十餘里郭家莊南山多產蜂以蜂有王故名

章邱縣志

卷三

山水考

六

角子山 在縣治南六十餘里朱礦泉莊東北山形聳立如羊角

雞冠崖 在縣治南六十餘里郭家莊東北崖上突起石嶺形高而側如雞冠故名

油篋峪 在縣治南六十餘里上有瓦礫寨兩頭小而中大

雙猴窩山 在縣治南六十餘里石斑鳩莊東南兩峯相對山極高大

藁本峪 在石斑鳩莊東山多產藁本

筆架山 在縣治南六十餘里上井莊南上有仙人

橋山頂突起三峯形如筆架

蛇頭峪 在縣治南六十餘里山半有洞

佛頭山 在縣治南六十餘里黃路泉莊東北山有石象佛頭大可三圍

火石嶺 在縣治南六十里甘泉莊東嶺上有泉冬夏不涸不溢形家謂之龍池俗名汨輪泉言有聲也

七峪 在縣治南五十里甘泉莊東北有洞名白衣中有大士像

步全嶺 在縣治南五十餘里馬家峪莊東又名北

章邱縣志

卷三

山水考

七

石門

胡山 在縣治南五十里脉自黃巢頂來至此山五十餘里陡起一峯極高大東南一望連峯沓嶂與長白之摩訶峯南北對峙爲章邱之巨鎮相傳古有翁媪修道此山皆得老壽舊有翁婆廟遇旱禱雨輒應宋衡鈞有記今建天公地母祠於上山腰有洞人跡不到有雙鷹巢於上身高二尺許每年抱二雛大者飛去小者仍在山有三麓南麓北麓中麓卽李太常開先讀書處山下有泉清冽可鑑鬚眉山頂西南有石隆然挺立高可數丈俗呼爲

落鷹石土人每望山之雲氣以驗晴雨

小胡山 在胡山西北

龍盤山 在縣治南二十八里小胡山西北十餘里
三齊記云周初有神龍潛此故名上有神跡祠相
傳姜嫄所履太平寰宇記引冢墓記名云全節章
邳兩縣界有神跡是姜嫄所履處今祠廢有遺基
又名屯山亦名唐王山有唐碑字漫沒不可辨魏
書地形志濟南領縣六於土鼓城下注云有龍盤
山

樂盤山 在龍盤山西北俗名魚山

章邱縣志

卷三

山水考

八

按龍盤樂盤二山均在明水西南合楊埠陵西
山蜿蜒磅礴周廻曲折數十餘里故名齊記云
齊州山河號稱十二章邱素有曲逆之山者卽
謂之二盤山也又云下有樂盤城卽平陵王與
陽邱侯餞送之地

雙山 在縣治南二十五里明水鎮西南二里許龍
盤樂盤兩山之北突起二土阜下方而上如覆釜
有李脉泉康右川先瑩在焉

小峨嵋山 在縣治南二十五里脉從胡山之東麓
河套西山迤邐而北至明水之東南結爲邱陵是

爲小峨嵋俗又呼爲埠頂東麻灣之水卽從此山根沸騰而出東北山腰有玳瑁橋龍眼泉泉水沖溜成溪溪兩旁夾青石爲岸水從石竇中灣環起伏過玳瑁橋轉西而北流至明水錦江橋南與麻灣百脉泉長川鏡泉玉帶河匯而爲一北流山之東偏有深壑內有小龍眼泉二處從石罅中流出北流西轉合玳瑁橋水入於繡江玳瑁橋獨石一片橋壓兩岸相傳唐王征高麗曾駐兵於此夜宿橋旁聞水激岩有玳瑁之聲因名在漢土鼓南

馬棚山 在明水鎮東北山南舊名千家店金置明章邱縣志

卷三

山水考

九

水驛於此

東陵山 在縣治南十里莊子盜跖死利於東陵之上司馬彪注東陵陵名通典云漢陽邱縣有東陵山盜跖死處按此山舊名赭山謂山南石赤色山所由名也赭跖同音人或訛爲盜跖之跖又嫌其爲跖而以河南山名之以居爪漏河之南也舊志附會盜跖之說又名爲柳將軍山而以章邱東界之叔牙山爲東陵誤矣

按明史濟南府領州四縣二十六第二曰章邱注云南有東陵山又有長城嶺東有長白山按

此河南山之爲東陵山無疑竊思此山之名當起於西漢漢於平陵置爲王國此山上有王墓陵字訓山亦訓墓因在平陵城之東故以東陵名之與

桃花山 在縣治西南八里今名史家山

女郎山 在縣北一里山頂有三陽洞相傳葆光子學道於此三齊記云章亥有三女溺死葬此故名高冢見在或曰子張之墓或又曰齊匡章子其說不經明人陳德安力辨之見藝文志章邱名義辨嘉慶四年知縣嚴孫詒及邑人張延芳王淑閑張

章邱縣志

卷三

山水考

十

國凝

末一字恭避御名

張發瑞諸紳士植柏數千株於山之陽龍葱鬱秀掩映峯壑間每春秋佳日登臨眺望古樓名刹烟樹參差爲一邑勝景

已上山脈俱自胡山來

二郎山 在縣治南六十餘里

鸚哥崖 在縣治南五十餘里文祖莊東南有南北

二崖

窮漢嶺 在縣治南五十五里文祖莊東南

大壺峪 在縣治南五十餘里文祖莊東南

已上四山脈自

彎峪迤西側出爲胡山來脈上節西護

毛寨山 在縣治南五十餘里較南毛寨山差小

桃科嶺 在縣治南五十餘里

小青山 在縣治南五十里文祖鎮東廣宗城在此

山之西土人又呼為陰城已上三山自佛頭池西側出為胡山來脈中節

西護

將軍山 在縣治南四十五里甘泉莊北

陶峪 在縣治南四十五里

分水嶺 在縣治南四十五里水南北分流北流逕

紅溝莊西折入溝頭莊南流逕孤山南西北流逕

周家莊至溝頭莊南與北流合而入爪漏河

孤山 在縣治南四十五里文祖鎮北平郭城在山

章邱縣志

卷三

山水考

土

南有遺墟

磨立山 在縣治南四十五里紅溝莊西南

南瓦山 北瓦山 在縣治南四十五里紅溝莊西

已上七山自步全嶺側出為胡山來脈下節西護

雪培嶺 在縣治南七十里上井莊西筆架山北懸

崖峭壁谷中多積雪

閣老寨 在縣治南六十五里上井子莊西北

八仙頂 在縣治南五十里水峪北又名馬鞍山

卧牛山 在縣治東南四十五里閆家峪北又名老

牛嶺七女泉出焉

以上四山自筆架山抽脈為胡山來脈東外三層護翼

河套山 在縣治南四十里自胡山東麓東抽脈轉西橫亘到頭五星連起與北瓦山相應爲胡山貼身之東護

朱家峪 栗家峪 在縣治南五十里二山爲河套山之東護臥牛山又爲栗家峪之東護

青山 在縣治東南八十里自筆架山連峯迤東而來特起此山蒼翠峻峙登其巔者足攬河山之勝

大山 在縣治東南七十里天倉嶺西

天倉嶺 在縣治東南七十里俗傳有古軍士困乏至此忽見一巨蟻銜粟前過因隨至嶺上得穴焉

章邱縣志

卷三

山水考

七

發之獲粟以濟飢因得名嶺南有池涼馬跑救命諸泉入汶

四暨山 在縣治東南七十里天倉嶺之東山大頂平可以眺遠故名有龍堂洞高廣如厦深不可測中有臥龍跡旁有石卓立如柱俗呼爲繫龍柱石壁鐫佛像四十餘巧若天成有雪蓑子題通天透地四大字刻壁上俗又謂之東龍洞

野狐嶺 在縣治東南八十里又名分水嶺水自嶺東西分流東者入淄川西者入章邱爲獺河之上源

金子孤堆 在野狐嶺東南報効泉出其西北東南
流入汶

劈林尖山 在縣治東南九十餘里爲章淄萊蕪接
界之山

杈枒山 在縣治東南四十餘里入長白第一峯也
怪石嶽嶸萬狀雨後瀑布光射數里北巔有大窟
透月載八景中相傳此山多仙靈土人所禱輒應
明知縣劉鳳池隸書石刻八十餘字在焉舊志以
東陵山卽杈枒山謂與龍盤山相連者誤此山乃
與西盤龍山相連也

章邱縣志

卷三 山水考

十三

長白山 在縣治東界羣峯羅列綿亘四邑統名長
白按長白山錄云本屬長山縣縣所得名也高二
千九百丈周六十里晏謨征述記云山巔雲雨長
白故名司馬子微洞天福地記第六十一長在山
在齊州長山縣故又名常在抱朴子曰長白泰山
之副岳酉陽雜俎曰古蕭然山也史記封禪書元
封元年四月乙卯封泰山丙辰禪泰山下址東北
蕭然也今以地理考之山在泰山東北相距三百
里安得乙卯封泰山丙辰禪蕭然若是之速耶金
史云蕭然在萊蕪縣萊蕪古嬴地在泰山東一百

二十里此說爲確

按長白山跨四縣之境北隣鄒平而近東北去長山而遠東入淄川西南二面入章邱實海岳之神臯仙靈之窟宅齊乘曰南泰東沂之外沂之蒙密之九仙卽墨之大小嶗寧海之姑餘般陽之長白皆齊之高大名山也餘不得並列王文簡公據金史肅然山在萊蕪當泰山東百二十里直以長白爲非肅然山竊意肅然爲泰山東北諸山通號亦猶長白爲東北諸山通號魏書辛子馥傳長白接連三齊瑕邱諸州魏書博

章邱縣志

卷三

山水考

四

平有長白山隋書長白屬章邱縣唐元和志屬長山縣開元誌公碑云章邱長白山是又可屬章邱宋寰宇記屬章邱縣金史屬章邱長山二縣舊志於此山西南二面支山皆不載亦屬墨漏

摩訶峯 在縣治東三十里長白中峯也四山環拱巍然秀特高出諸峯上山巔有塔有禪院

玉泉山 在縣治東南三十里又名太湖山通志云在縣東南八十里俗名青山者誤

簸箕山 在玉泉山西山以形名也西南有元張文

忠張文穆先塋在焉

鳴羊山 在縣治東南三十里爲簸箕山之左翼西南有御史李慎修先塋在焉

梭山 在縣治東十五里亦以形名山也李工部縉明嘯園在此山北

玉皇頂 在縣治東五里長白山盤踞東南迤西北而盡於玉皇頂

黌堂嶺 在縣治東十里前志所載黌堂夜雪是也此嶺自石龍菴西折平地起土阜陂陀平行無懸崖峭壁前志引三齊略曰鄭元著詩書樓遲於此

章邱縣志

卷三

山水考

五

山上有古井獨生細草葉似薤俗謂鄭公書帶草
金元好問濟南行記云鄒平縣南有長白山范文
正公學舍在焉故又謂之黌堂嶺太平寰宇記云
黌山在淄川縣東北十里齊乘嘗辨元記之訛然
謂黌山在般陽卽今淄川北十里卽黌堂嶺又云上下
書堂在黌堂嶺會仙峯下合黌山黌堂嶺爲一亦
非

按黌山黌堂嶺自是二山黌山在淄川長白嶺
南爲康成注書處會仙山黌堂嶺昔隸章邱今
隸鄒平在長白山北爲文正讀書處至章邱之

黌堂嶺原係長白山之西南一土阜耳並非鄭
范注書讀書處舊志多誤今正之

小金山 在縣治東南三十里池子頭莊東四面皆
平行上有比邱塔病者禱之輒應

陀凹山 在小金山東普集鎮南脈自天倉嶺玉華
山鏡子崖來東西橫亘三四里許

青龍山 在縣治東南三十餘里獺水之西曲脈自
四暨山來相傳古有神龍潛此脫鱗而去其鱗猶
存又名土金山上有蟠龍寺

水

章邱縣志

卷三

山水考

六

巨合水 在縣西南七十里水經云南出雞山北逕
巨里故城又北合武原水北流數十里乃相合北
入小清巨合之得名以此又名巨冶河見齊乘亦
謂之擡頭河

按水經云巨合水南出雞山者誤也出雞山者
係關盧水上源考巨合源出章邱縣西南百里
長城嶺之拔槩泉西北流經完糧峪榆科泉莊
東虎門莊中又西北流經中泉泮河崖土屋東
至大龍堂會諸峪之水又北流經塔窩南折而
西北流至兩岔河西南左會稍金康泉南泉東

泉澤科土頭諸峪之水二水相合兩全河村所
由名也又西北經東彩石小龍堂東又東北經
燈山坡北又東北經窪裏村東又西北至講書
院東入歷城界在章邱界內又北流經擡頭東
又北流經龍山鎮西又北右與關盧水武原水
合又西北爲全節河以全節城而名也又西北
經城子莊龍泉寺盤龍莊至鴨王口東四風閣
北卽昔時巨河注小清處也今則經鴨王口北
西北流而百澗溝水及郭店莊東河韓倉河併
白泉漫泉及團泉當道諸泉水入壩子河東北
北入大清河

章邱縣志

卷三 山水考

七

流經遙牆西注巨河西北流經青寧寺東又西
入巨合

榆科泉 在縣西南七十餘里榆科東南泉源競發
拔槩泉 在縣西南百里泉出山半涓涓不息下有
漿水泉

按巨合自兩全河以上東南西南二渠俱係長
流至兩全河北伏入地中非夏秋霖雨藉行潦
之水不能達巨合下游也

關盧水 在縣西南六十里水經注云導源馬耳山

今名馬頭山

按關盧水出雞山圈之雙水泉西北出山口又北流經陳家莊東蔣家莊西至劉官莊北左會馬頭山東麓之長水北流經界溝河西至牛家莊東入歷城界在章邱境內行二十餘里又北經龍山鎮東南右納武原上源水北流經古譚城西又西北經龍山鎮東北西北流數里會於巨合土人謂之會河川亦名龍山河

武原水 在縣西南五十里水經注云武原水出譚

城南平澤中世謂之武原泉北經譚城東又北經

章邱縣志

卷三

山水考

六

東平陵故城西又北經巨河城東其水合關盧水而出注巨合水

按譚城南泉水枯竭地已成膏壤其上源行潦之水有二支一支自北曹范西峪北流經馬莊上莊東又北至南羅莊北一支自胡盧套東東北流經大峪龍埠莊又北經上莊西河至南羅莊北滙爲一支北流右納栗園水經李和莊東又北經劉家莊東折而西北經權莊南西流經牙莊北入關盧水西北流與巨合水會

白雲湖 舊志云在縣西北七里周六十里產有魚

藕菱芡蒲葦之類洪武十四年設河泊所置小船一百一十隻歲辦課鈔共一千一百貫十七年因課少裁革附舊軍鎮稅課局收納正統五年奉文在工部勘合查出續添小船二百四隻歲增課鈔二百四十貫湖今枯竭船隻皆廢稅課大使缺亦久裁湖田涸出爲耕稼地

按白雲湖一名劉郎中陂舊雖有泉未必成湖實因夏雨秋霖章邱瓜漏河池西平陵城池東併亭山河危山迤北之水隨溝北注滙而爲湖今介在歷章之間東南曰師行西南曰徐家莊

章邱縣志

卷三

山水考

五

西北曰老僧口北曰鄭社馬頭皆屬歷城得湖之七其東屬章邱得湖之三昔由東北三里趙官橋莊南注小清今小清故道淤塞東北流至水寨康家莊北入清河今湖水漸竭惟湖心尙生蘆葦又按張中丞鵬修小清河作濬河議謂白雲湖在長山歷城志以爲無據考順治四年獺水自縣萬家口決入澚山泊水行八里至對門口又東會沙河水其勢益悍竟決小清故道直趨白雲湖而鄒平東北遂罹水患云云王文簡謂白雲湖爲章邱劉郎中陂鄒平長山不應

有此湖不知張云白雲湖乃新白雲湖在孫家鎮東尙距章邱百里非章邱之白雲湖湖名同而地則異也李開先濬渠私說節畧章城西北有湖一區名曰白雲湖東接清河諸山七十二峪西灌鵞女溝七十二渠二語未明晰谿谷縷注衆水瀦而爲湖白雲英英出其中湖因以名重青淺碧拖練揉藍嘗游於湖心山如錦屏天如華蓋蓋俯仰天地表裏湖山信爲一方之浩壤而三齊之水府也自水澤漸消舊去城近今則微遠周迴原四十里今亦減削退田可種大小二

麥湖中有蒲葦菱芡魚鱉之利但逢夏秋之際山水泛漲湖不能容北流里許至水寨鎮西徑入小清河去矣河之北岸有古閘一處借蔣家口北道鹽河古道轉而之東民資灌溉甚便自古閘損壞西衝一口其水盡入蔣溝灌溉失望居民曾有上控撫臺批行屯田道轉行本縣帖差委官督同夫役將古閘之西開挑月渠以洩湖水不意水復爲災屢修屢壞以致乾澁大衆憂慮此必置閘下椿破才殫力方爲經久之計且免偷決之患

墨泉 在城西北十里閭馬莊南以水色如墨故名
爪漏河 在縣西南七里許每夏秋暴雨則溢至城
南與繡江合盈涸不常時或爲患徐璧論云按河
源出縣西南羣峪中水清而駛東北流至明杜莊
之石崖泊然而止土人名其處爲滲水灣夏秋積
雨羣峪之水來滙溢至城南會於繡江雨旣霽灣
以下復枯竭故以漏河目之然曰滲曰漏土人知
其爲河之滲漏而不知爲濟之伏也先儒謂濟水
性下勁疾能入河穴地流注顯伏以今考之是河
自滲水灣以北二十里至於月宮於枯河崖側泓

章邱縣志

卷三

山水考

三

顯一泉又東北四十里至於明水則湧百脈麻灣
諸泉驗之色味皆同水勢相敵蓋泉自滲水灣伏
流地中經月宮見而仍伏至百脈麻灣而復湧出
也所謂若斷若續而實有源流或見或伏而脈絡
可考者是已南豐曾氏記灤水自渴馬崖潛流地
中至歷城西有泉湧出高或至數尺其傍之人名
之曰趵突泉正與此同禹貢導水東流爲濟齊州
正濟所經若灤水若是河蓋皆濟之旁出者

按爪漏河源白石棚溝東會長城北諸峪之水
東流經官營莊西南轉而東南經百丈崖下會

凉水泉又東南流經車廂香石臺莊南又經邵莊東北至明杜莊南石崖泊然入地卽前志土人所名滲水灣每遇夏秋霖潦洶湧汎溢北流經石匣莊北又北經南苗莊北苗莊東又北經石屋莊中又東北經沙灣莊西又西北至月宮莊西右納東南汨輪泉仰泉水又東北經埠村東至陶莊東左納大冶河水源自雙尖山北諸峪水東北流經大冶南東北流入漏河又東北經河下莊南右納酒頭山子水及紅溝水又東北經季官莊站裏南臯埠東又東北折而西北至金盤莊西南北橋入於繡江

道濟三泉 在道濟門外西城苦無泉乾隆二十年知縣張萬青疏濬濠塹於弔橋南湧出泉三處相距各十數武民皆便之縣丞姜繡有記今涸

凉水泉 在縣南八十里車廂莊西泉水甘冽澄澈汨輪泉 仰泉 在縣南九十餘里三槐樹西此處

土厚艱於得水二泉甘美附近村民多汲飲之

聖水靈泉 在胡山東泉出山半流入石井中不溢

不涸禱雨輒應形家謂之地池又謂之衛龍泉司
黃炳碑記

繡江 在縣東一里芹藻浮動水紋如繡故名徐璧
志云自百脈泉北流而至衝激碾磴涵澤萬畝爲
利甚溥

按繡江源自明水鎮東百脈泉北流至錦江橋
南右納東麻灣龍眼泉左納康氏園內金鏡泉
玉帶河長川河諸水滙而爲一北流經鎮東折
而西北流左納鎮西南竹園清水泉北流至古
魂壇磨北右納乾河水西北流水多磬折至顏

章邱縣志

卷三 山水考

三

家磨南分爲二支一支東北流名大洋溝灌溉
東北諸莊田入楊緒溝其經流又西北至沙河
口南左納西麻灣水源出明水鎮西山北麓發
地皆泉愈流愈湧北流至堂子橋左納明淨泉
水又北流經硯池山東北左納狼溝水又東北
流會沙河口諸支流之水析而至此復合又西
北經沈家磨東營莊折而東至鐵心壩一支北
流入韓家闢其經流折而北至高家橋南右納
顏家磨地洋溝水又西北經果子園又北折而
西經李家亭南至李家磨東左會韓家闢水又

西經宮王莊西北轉而北經樊家莊東折而西
至宋家磨析爲二支又西至四盤莊東復合又
西經三盤莊南折而北經西臯莊西又西經金
盤莊北至三盤磨左會爪漏河又北經縣城東
折而西北經康家莊南又西北經回軍鎮中卽水
經注所云經陽邨城中也又西北經水寨西卽水經注所云西北出城經黃
中固也又北至王家橋左納白雲湖水又東北經
涓口西卽昔時入小清處也又北流經新莊東
左納羅坡河水又北經劉家莊東左納土河水
又北經延安鎮西注於大清河此河縱橫章邨

章邨縣志

卷三

山水考

二

境內百餘里沿河居民灌田疇置水磨種稻植
荷受其利者甲於他邑又按延安鎮先屬章邨
後入齊東於濟陽無涉歷城志謂大清河於濟
陽縣界受白雲湖水者誤也郡志謂白雲湖卽
涓下流者亦誤明運使甘一驥鹽河議謂涓河
一名繡江在章邨東一里源出會仙山下合百
脈水東西二麻灣西北匯爲白雲湖而入小清
不知會仙山在楊緒水之東距繡江尙隔一陵
一水會仙之水注鄒平泲山灤不但不能入白
雲湖且不能達繡江今正之

百脈泉 在縣南二十五里明水鎮東繡江源也方
員半畝許其源直上湧出百脈沸騰狀若貫珠歷
落可數故名按水經濟水自臺縣東北合芹溝水
又東北過菅縣南而道元注云右納百脈水百脈
水出土鼓縣故城西水源方百步百泉俱出故曰
百脈

張公池 在百脈泉南之龍泉寺大悲閣南縣令張
萬青有惠政邑人德之鑿此池以志遺愛故名

東麻灣 在百脈泉東南里許水西北流匯百脈泉
於錦江橋南

章邱縣志

卷三

山水考

五

西麻灣 在百脈泉西南二里許水自西山北麓石
壑中出東北流與百脈諸水匯於沙河口郡國志
云十二芹溝俗名麻灣卽此

長川 金鏡泉 玉帶河 在百脈泉左明水鎮東
康氏猗清園內長川源自鎮南廟溝泉來夾川竹
木千章金鏡泉玉帶河北流會之注繡江

清水泉 在明水鎮西之南園內方塘澄澈西北流
注繡江

明泉 在百脈泉西二里許堂子莊眼明王廟前
東流注西麻灣河徐璧論濟水分支伏流地中至

縣西南出爲爪漏河至滲水灣乃伏入地中至是始出而爲諸泉合而北流至涓河

乾河 在縣東南二十五里明水鎮東北值夏秋霪雨山水湧溢鎮東北莊村每至沒田禾壞廬舍前邑令議請與小清河一律挑濬下流俾免水患此邑上游東南鄉之急務也源自朱家峪栗家峪西北流經官莊南折而西北經東澗西莊東又西經石河莊北左納第五峪諸水西北流注繡江

落坡河 在縣西北五十里西起羅家莊東北坡地勢窪下恒有水患康熙年邑令史在篇度高下疏

章邱縣志

卷三 山水考

三

河自牛家窪起至郝家溝注繡江邑人德之爲立祠因名史公河有焦毓棟碑記年久淤塞復失故道乾隆十七年巡撫鄂咨詢水利知縣張萬青議

請開濬暢流如故

落字當作羅

土河 在縣西北七十里臨濟鎮東北野狐寨之北宣洩臨濟鎮北諸坡行潦之水東北行數里至西柳寨入齊東界經曹馬頭北草廟頭東注繡江

枯河 在縣西北七十里土城東北十數里卽舊大清河也南岸循穆家莊毛家店大寨折而東北復折而東南至陳家莊轉折而北其北岸則循侯家

六莊及岳家馬家等莊至王家圈卽入今河南屬章邱北屬濟陽河形迂曲故於侯家六莊起至王家圈開通直河以便行舟俗云一圈二里十八莊者是也

陳愷溝 在縣北二十五里成化時宣洩小清河水由薛渡口逕滾水壩入齊東減河東北流逕城東注大清河今跡尙存邑人陳愷卽倡議開溝之人故名

獺河 在縣東五里山頭店東俗名東爪漏河爲繡江之支流自呂家莊西南大洋溝經七郎院北流

章邱縣志

卷三

山水考

七

至東臯莊一帶民田多受灌溉之利其上游山泉五十有餘不能注獺皆藉行潦之水以達下游鄒平新城沿河諸縣爲害者皆積雨暴溢非河之本水也

按齊乘云獺水出長白山之王村峪甚誤王村鎮在淄川界內西南其水東流會孝婦般萌諸水繞城而北西隔章邱叔牙山不能越而西流又鄒平志謂出山頭店東六里山溪亦未詳其源流獺河源出野狐嶺之石門村北流經石棚莊南右納黃花滴翠二泉水左納五岔溝水折

而西至普集鎮北右納玉泉古海泉不竭師公

諸泉水左納七女泉小空河又西至博平鎮南

即水經注所云楊緒溝水經於陵故城西南也左納硯池芙蓉溝南盤

泉水右納玉液北盤泉諸水又西北流至相公

莊西北龍灣右納天台峪水又北流經房莊東

臯莊間右納車門峪水左納滋泥溝長流即繡江旁

出自大洋溝來水也又北經石家堰山頭店東右納上方

井聖泉水又西北經玉皇頂西刁家莊中北流

入萬家口其經流至柳塘東南入小清即水經注所云

經章邱城東又北逕寧戚城西北流注於濟水也此獺水之源流也俗

章邱縣志

卷三

山水考

三

以獺為潔按獺水即水經注之楊緒溝水注云

逕於陵故城西南西北逕土鼓城東北又西北

逕章邱城東又北逕寧戚城西而北流注於濟

有水道可證至金元時俗名獺河齊乘以俗名

指楊緒溝非云即潔也又水經注潔水東北入

東武陽縣東有潔水出焉又名武水孟子云滄

濟潔穆天子傳云天子自五鹿東征釣於潔水

而禹貢浮於濟潔為兗州貢道蔡注傳云潔者

河之枝流是一出東郡武陽縣東一出章邱東

南山野狐嶺原屬二水祇以潔獺二字音譌遂

疑潔有二源雖宿儒亦皆附會不知水經齊乘未引禹貢之潔爲證且章邱西北境原有潔水故渠禹城別有潔水故跡史記漢書載之甚詳可以知獺之非潔也

龍灣 在縣東南十五里相公莊西北遇旱不竭流入獺河

七女泉 在縣東南四十里閻家峪久旱不涸北流入獺

南盤泉 在縣南三十里盤泉寺內平地湧出西北流入獺

章邱縣志

卷三

山水考

三

古海泉 在縣東南四十里海套園泉源百出南流入獺

硯池泉 在縣東南三十里池子頭方塘清冽北流入獺

聖井 在縣東十里聖泉寺味甘冽西流入獺
聖水 在縣東十里餘去聖泉寺南半里發自小荆

山西流入獺
上方井 在縣東二十里水從石罅流出冬夏不竭

有鄭康成祠祠內有古柏二株
池涼泉 在縣東南七十里天倉嶺西南東南流入

王莊河

雙井泉 在縣東南九十里魚窪莊南東流入王莊河

乍忽泉 在魚窪莊南東南流入王莊河

報效泉 在縣東南九十里野狐嶺南泉源湧出西南會雙井乍忽二泉經下白秋北王莊西折而東南出黃石關又折而西南流經萊蕪上流莊東入秦安寨裏河

小清河 在縣北三十里每遇積雨獺水浩悍其居上游者刁家莊一帶則患填高壅流其居下游者

章邱縣志

卷三

山水考

三

段家橋鄭家道口一帶則又患填低冲決往往相爭高下訐訟所賴有司時加疏濬俾免浸潦此邑東北鄉之急務也

按獺河非漯水辨已見前第古之獺水注小清而今之小清反以獺水爲源則水道遷徙新故之迹不同也小清舊河由歷城入章邱經鄒平新城高苑入海實濟水故道宋熙寧十年大河決水滙梁山泊分二派其北派流入北清河即濟水至歷城東北又舍北清河渠挾北清河水走漯水故渠中至濟陽齊東青城濱州以下又合

潔渠入大河舊道注海金明昌五年大河決又循此道於是北清河水終由潔渠而歷城章邱界中濟水之經流微矣經流既微劉裕堰灤水東行濟渠會巨合芹溝百脈獺河諸水以成川於是人謂行濟陽齊東者爲大清河謂行歷城章邱鄒平者爲小清河矣齊乘云小清爲運鹽河明甘一驥鹽河議云鹽河東一支屬樂安批驗所爲小清河出趵突泉流古明湖經華不注山龍山又經章邱鄒平長山新城高苑博興此鹽河東一支通海滄高家港十一場之鹽利者

章邱縣志

卷三

山水考

三

也又劉翊許成名小清紀略云永樂時小清河水失其經壞民廬舍不可數計成化癸巳大叅唐瀆請於巡撫御史牟倬濬小清自歷城而東由四風閘西轉而北又東經老僧口莊中又東北經鄭社馬頭北又東北經趙官橋南至水寨大章邱界又東北至薛渡口一支東向從柳塘口東南經段家橋入鄒平至樂安入海此小清之正派也一支向北從薛渡口經滾水埧入齊東減河注大清此小清之分流也水復故道出章邱迤東諸縣膏腴可耕之田數萬頃自嘉靖

癸巳小清自博興迤西及涓水獺水皆決巡撫
袁宗儒率所屬開小清自博興達歷城計三百
里據此則小清自金元及明之嘉靖雖時有通
塞而尙屬通流成化以後十一場支河乾涸商
旅不行樂安批驗所裁革小清運鹽之道始就
湮塞嘉靖以後灤水自歷城東北之堰頭北決
入大清龍山之巨合章邳之芹溝涓河亦皆北
決入大清劉希夔齊東水患考云萬歷戊戌大
清蕩齊東城北涓河蕩齊東城西計
百脈巨合入於是小清自章邳以西遂無上游
而自歷城經章邳之舊道終廢此小清舊河之

章邳縣志

卷三

山水考

三

源委也舊河旣廢惟獺水仍復東北行注鄒平
迤東小清故道於是章邳之獺水獨專小清之
名順治四年山水驟發不循故道獺水決萬家
口水勢橫流入澠山灤鄒平長山新城歷遭水
患康熙五年獺水復溢巡撫張親臨踏勘尋源
究委開濬舊道議建灰埧以杜新口之瀾漫未
果巡撫錢公珏始舉其役二年而工成塞萬家
口沿河皆築大堤以束其勢戊辰鄒平知縣程
素期以民間願開萬家口白上官甲戌巡撫桑
允其請開萬家口設滾水埧水平則由段家橋

小清故渠水漲則出滾水與洩水四五分入新
決河注澠山澠鄒民便之今萬家口北故道淤
高河堤盡潰萬家口之流益迅遂盡由決河入
澠山澠至鄒平之柴家橋西趨小清故渠東行
入樂安此小清現在之水道也

附章邱界中澠水故道考

澠水自黎陽宿胥口受河水東北入海此大禹
舊跡也周定王五年河行澠川至長壽津始舍
澠渠別行漢成帝建始末河決館陶由東武陽
絕澠水東北至高唐又絕澠水澠之上游蹙矣

章邱縣志

卷三

山水考

三

水經云澠水又東北經著縣故城南

著縣在濟陽縣西南

迴河鎮古澠故道

又東北經崔氏城北

即今濟陽城南

章邱之土城

又東南經東朝陽故城南

今齊東城南南魏王城

又東五里經漢徵君伏生墓南

東朝陽伏生墓地在金屬章邱

今屬齊東地

此濟陽以東章邱澠水故渠也又東經

鄒平縣故城北又東經東鄒城北澠水經黃河
數亂其流而水始涸酈道元注水經時已經輟
流宋熙寧十年大河挾濟渠之水自歷城東北
入澠水故道為大清河濟陽至濱州二百里內
時行澠渠亦時由決道禹貢雖指以大清為專

行漯渠猶不盡合齊乘竟指大清爲濟水故渠
謬矣

附章邱界中濟水故道考

齊乘以大清爲濟水故道小清爲劉豫所創雖
博核如閻百詩猶取其說著尙書古文疏證無
怪諸志家之承訛踵謬矣黃子鴻以小清爲濟
水故道胡朏明謂足以正三百年積傳之誤此
語甚確考濟水山海經謂之灑水禹貢謂之沅
水自陶邱東北以下謂之濟水秦王賁開鴻溝
以後河水始亂濟漢成帝以後濟水故渠中專

章邱縣志

卷三

山水考

一

行河水於是謂之出河之濟唐天寶後大河西
決出河之濟亦廢陶邱西南濟水已無上游陶
邱東北行濟渠者惟菏水汶水又東北會灤水
入海耳宋熙寧十年河決入梁山泊分二派其
北派行濟渠至歷城東北又挾濟渠中之菏水
汶水灤水走濟陽入漯水故渠金明昌五年大
河北決又循茲道此大清河所由成是大清河
實濟水而渠非濟渠也河水退後菏汶灤三水
不能自返濟渠由是菏汶之水終入大清而劉
裕獨堰灤水使仍由濟渠

菏水自元至元二十
六年入會通河汶水

自明永樂中過入南旺湖以資惠通運始俱不入大清。○劉裕堰灤水處在歷城東北三十里。堰頭又東北益以入濟之巨合芹溝百脈水以成

川於是謂之小鹽河即小清河是小清河水僅濟水之下流而渠實濟渠也按水經注云濟水

又東北灤水出焉又東北逕華不注山又東北過臺縣北巨合水南出拔梨泉酈注謂出雞山者誤挾關盧水

武原水源皆出章邱南山中見前白野泉水聽水白野泉出臺縣西南

聽水上承灤水東北流北屈又東北流注巨合水同入於濟注之又東北合

芹溝水即麻灣又東北過菅縣南右納百脈水又

東楊緒溝水注之即獺河此鄒平以西章邱濟水

章邱縣志 卷三 山水考

故道也又東逕梁鄒縣故城北瀧水時水注之

又東北過臨濟縣南故狄邑漢永初二年改名以臨濟故以此尋

其上下源委與水經俱合若大清河所逕之地

在濟陽齊東濱州蒲臺諸縣境以濟水故道求

之多不合矣又按元和志敘述濟水章邱縣濟

水西去縣十七里臨濟縣濟水在縣南二十里

此隋唐之臨濟故城在今縣西北臨濟鎮非漢臨濟之在高苑者此叙章邱濟

水故道也鄒平縣濟水南去縣三十五里長山

縣濟水西北去縣三十五里高苑縣濟水北去

縣七十步驗其所逕均與水經合並是小清舊

渠而非大清所逕之地可以證小清故河之爲濟水故道也

附章邱八景

危山聖井

百脉寒泉

繡江春漲

黃堂夜雪

錦川烟雨

龍洞薰風

東隱晴嵐

白雲眠棹

附續增四景

郎山大觀

胡山三麓

摩訶秋翠

峨眉靈壑

章邱縣志

山水考

三

